

"মিষ্টি বাচ্চারা - তোমাদের ১০০ শতাংশ সর্বগুণে সম্পন্ন হতে হবে, মনের দর্পণে দেখতে হবে যে, আমরা কতো পর্যন্ত পবিত্র হয়েছি"

প্রশ্ন : - তোমরা বাচ্চারা রোজ কোন্ উৎসব পালন করো, আর অন্যান্য মানুষেরা কোন্ উৎসব পালন করে ?

উত্তর : - তোমরা দৈবী ধর্ম স্থাপনের অর্থাৎ ভারতকে স্বর্গ বানানোর উৎসব রোজ পালন করো । তোমাদের রোজ মানুষকে দেবতা বানানোর চারা লাগাতে হবে । দুনিয়ার মানুষ তো জঙ্গলের কাঁটাগাছের চারা লাগায় আর নাম দিয়ে দেয় বনোৎসব । তোমরা রোজ কাঁটা থেকে ফুল বানানোর উৎসব পালন করো । তোমাদের মতো উৎসব আর কেউ পালন করতে পারে না ।

গীত : - হে প্রাণী নিজ মুখ দেখ রে দর্পণে, দেখ রে কতটা পুণ্য আর কতটা পাপ হয়েছে জীবনে...

ওম শান্তি । এ কথা কে বলেছে ? এখানে তো বাবা আর বাচ্চাদের সমুখ মিলন । বাচ্চারা এখন দেখার জন্য দিব্য চক্ষু, জ্ঞানের তৃতীয় নয়ন পেয়েছে কেননা সবাই তো পতিত আত্মা অথবা পাপ আত্মা ছিল । পতিতদের পবিত্র বানানোর জন্য বাবা শ্রীমত দেন । এই শ্রীমত কে দেন, তাঁকেও বোঝা উচিত । তিনিই এই কথা আত্মাদের বলেন । আত্মা জানে যে, আমি এই শরীরের দ্বারা ভালো কর্ম বা খারাপ কর্ম করেছি । বাচ্চারা, তোমাদের বাবা এই জ্ঞান দেন । সবাই যে পতিত ছিলো, এ তো নিশ্চিত । এখন তোমরা দেখো যে, আমরা কতো পর্যন্ত পবিত্র হয়েছি, আর কতো পর্যন্ত দৈবী গুণ ধারণ করেছি ? দৈব গুণ ধারণ করান সর্বগুণের সাগর বাবা, তিনি বসেই তোমাদের বোঝান । মানুষ তো গেয়ে থাকে যে - আমি এই নির্গুণ, হেরে যাওয়ার মধ্যে কোনো গুণ নেই । নিজেই বলে - আমার মধ্যে কোনো গুণ নেই । এখন বাচ্চারা, তোমাদের একশো প্রতিশত সর্বগুণ সম্পন্ন হতে হবে । তোমরা তোমাদের মনের দর্পণে নিজেকে দেখো । যখন তোমরা সর্বগুণ সম্পন্ন হবে তখনই তোমরা শ্রী লক্ষ্মী বা শ্রী নারায়ণকে বরণের যোগ্য হবে । প্রথমে তো বাবার পরিচয় দেওয়া উচিত । এমন যিনি বেহদের বাবা, যাঁর জন্য গাওয়া হয় - তুমি মাতা - পিতা -----সেই পরমপিতার অনেক বড় মহিমা । বলা হয় শিবায় নমঃ, এখন তিনি তো স্বর্গের রচয়িতা । অবশ্যই আমাদের সেই বাবার থেকে স্বর্গের আশীর্বাদী বর্ষা নেওয়ার অধিকার আছে । বেহদের বাবার আশীর্বাদী বর্ষা হলো স্বর্গের বাদশাহী যা তিনি আমাদের দেন । ভারতেরই স্বর্গের বাদশাহী ছিলো, এখন আর নেই । অবশ্যই তা বাবার থেকে পেয়েছিলো । ভারতই সত্যখণ্ড হয় । সত্য শিববাবার এ হলো জন্মস্থান - এ কথা কেউই জানে না । শিবরাত্রির যে গায়ন আছে তা কোনটা ? কৃষ্ণের রাত্রি, শিবের রাত্রি দেখানো হয় । কৃষ্ণের তো মায়ের গর্ভে জন্ম হয়েছিলো । শিববাবার জন্য বাস্তুবে জন্মাষ্টমী বলা হবে না । শিববাবা তখনই আসেন যখন ব্রহ্মার রাত হয় । রাতের পরে দিন অর্থাৎ কলিযুগের অন্ত এবং সত্যযুগের আদি হয় । একে বলা হয় ঘোর অন্ধকারের রাত । এ বেহদের কথা হয়ে গেলো । হদের রাত তো হয়ই কিন্তু কলিযুগের অন্তকে ঘোর অন্ধকার বলা হয় । জ্ঞান অঞ্জন সঙ্গুরু দেন । সঙ্গুরু জ্ঞান সূর্য বাবাকে বলা হয় । প্রথম প্রথম তো বাবা এবং তাঁর অবিনাশী বর্ষার পরিচয় দিতে হবে । মনে করো, কোনো বাদশাহর বাচ্চা নেই, তিনি যদি কোনো গরীবের বাচ্চাকে দণ্ডক নেন, তো বাচ্চা মনে

মনে জানে, আমি গরীব ছিলাম, এখন আমি বাদশাহের সন্তান। তোমরাও জানো যে, আমরা রাবণের হওয়াতে অনেক গরীব, কাঙ্গাল হয়ে গিয়েছিলে। এখন আমরা বেহদের বাবার হয়েছি। তাঁর থেকে আমরা স্বর্গের অবিনাশী বর্ষা পাই। এই পরিচয় খুব ভালোভাবে দিতে হবে এরপর লিখিয়ে নিতে হবে, আমরা বেহদের বাবার থেকে বেহদের অবিনাশী বর্ষা পাই। এই জ্ঞান আর কেউই দিতে পারেন না। সন্ন্যাসী তো গৃহত্যাগ করে চলে যায়। তাঁরা মা - বাবা, কাকা, মামা ইত্যাদি বলার হাত থেকে মুক্তি পেয়ে যায়। এখানে তো গৃহস্থ ধর্মের কথা। ওঁরা গৃহস্থ ধর্মের ত্যাগ করে।

বাচ্চারা তোমাদের বাবা বোঝান - তোমরা সেই দেবী - দেবতার গৃহস্থ ধর্মের ছিলে, সর্বগুণ সম্পন্ন, সম্পূর্ণ নির্বিকারী ছিলে, আর তোমরা স্বর্গের মালিকও ছিলে। এরপর তোমরা পূজ্য থেকে পূজারী হয়ে নিজেদের পূজোও করো। যেহেতু তোমরা পূজ্য সেই দেবী - দেবতা, তাই তোমাদের সেখানে পূজা করার কোনো প্রয়োজন নেই। এমনিভেই ভারত পূজ্য দেবী - দেবতার কুল। এখন তোমরা পূজ্য থেকে পূজারী হয়েছো। তাই বাচ্চারা তোমাদের পূজারী থেকে পূজ্য দেবী - দেবতা হতে হবে, এইজন্যই গায়ন আছে -- তুমিই পূজ্য, তুমিই পূজারী। বাবা কিন্তু পূজ্য বা পূজারী হন না। বাবা তো সদা পূজ্যই। ভক্তিমাগে ব্রাহ্মণরা মন্দিরে শিবলিঙ্গ রাখে তারপর বসে বাবার পূজা করে। আমরা তাঁর সন্তান। হে পরমপিতা পরমাত্মা, এমনই তো বলবে, তাই না। তিনি তো নিরাকার, আত্মাও নিরাকার। শিবের কাছে গেলে মানুষ বলে, পরমপিতা পরমাত্মা নিরাকার শিব। এ কথা আত্মা বলে এই শরীরের দ্বারা। এখন বাচ্চারা, তোমরা বাচ্চারা এইকথাও জেনে গেছো যে, যিনি ভালো কর্তব্য করে যান, তাঁর মহিমা করা হয়। এখন তোমরা সেই নিরাকারকেই মাতা - পিতা বলা। তোমার সহজ রাজযোগ আর জ্ঞানের শিক্ষায় আমরা গভীর সুখ পাবো। এরজন্য তোমরা পুরুষার্থ করছো। এ কতো সহজ কথা। তোমরা প্র্যাকটিকালি প্রজাপিতা ব্রহ্মার সন্তান বি.কে, তোমরা সামনে বসে আছো। তোমরা শিববাবা এবং ব্রহ্মাবাবা দুজনের সামনেই বসে আছো। শিববাবা তো নিজের শরীরও নেই। তোমরা জানো যে, শিববাবা এনার মুখ দ্বারা রাজযোগ শেখাচ্ছেন। কৃষ্ণ তো ছোটো বাচ্চা, তিনি কিভাবে বলবেন, দেহ সহিত দেহের সব সম্বন্ধ ভুলে যাও, নিজেকে আত্মা মনে করো। এ কথা কৃষ্ণ তো বলতে পারে না। এ কথা বাবাই বলতে পারেন। এ তো অনেক বড় ভুল হয়ে গেছে। লক্ষ্মী - নারায়ণ থেকে নিয়ে যথা রাজা - রানী তথা প্রজা সবাই সুখী ছিলো। তাঁরা সবাই ৮৪ জন্ম নিয়ে তমোপ্রধান হয়েছে। প্রধান তো হলেন লক্ষ্মী - নারায়ণ। যথা রাজা - রানী, তথা প্রজা। এখন আবার তোমরা এখানে এসে শূদ্র থেকে ব্রাহ্মণ হয়েছো। এ হলো তোমাদের লীপ জন্ম। লীপ বলা হয় ধার্মিকদের। তোমরা জানো যে, এ হলো আমাদের ঈশ্বরীয় জন্ম।

দিন - প্রতিদিন বাবা নতুন নতুন পয়েন্টস বুঝিয়ে বলেন। যতোদিন বাঁচবে অন্তিম সময় পর্যন্ত তোমাদের পড়তে হবে। পয়েন্টস আসতে থাকবে আর যোগ হতে থাকবে। জ্ঞান যন্তও অন্তিম সময় পর্যন্ত চলবে। মানুষ রুদ্র যন্ত্রের রচনা করে, মাটির শালগ্রাম বানিয়ে বসে তাঁর পূজা করে। আত্মার পূজা হয়। তোমরা জীব আত্মারাই ভারতকে মুকুটধারী করেছো, তাই আত্মাদের পূজা করা হয়। পরমপিতা পরমাত্মার সঙ্গে তোমরা সার্ভিস করো, তাই শিবলিঙ্গের সঙ্গে শালগ্রামও বানানো হয়। তাই প্রধানত প্রথমে প্রথমে বাবার পরিচয় দিতে হবে। শিববাবা জন্ম নিয়েছেন, কিন্তু তিনি থোড়াই মায়ের গর্ভে জন্ম নেবেন। তিনি হলেনই নিরাকার।

কেউ যদি শরীর ত্যাগ করে তো তার আত্মাকে ডাকা হয় পিন্ড খাওয়ার জন্য। তাই আত্মাদের তো খাওয়ানো হয়। আত্মাই স্বাদ অনুভব করে। আত্মার মধ্যেই সংস্কার থাকে। আত্মার সুখ - দুঃখের অনুভব তখনই হয় যখন আত্মা শরীরে থাকে। বাবা বুঝিয়েছেন যে, সাজা কিভাবে পায়। সূক্ষ্ম শরীরও নয়, স্থূল শরীর ধারণ করিয়ে সাজা দেন। গর্ভজেলে সাজা খায়। গ্রাহি গ্রাহি করতে থাকে। ব্যস, আমাকে বাইরে বের করো। গর্ভ মহলেরও উদাহরণ দেওয়া হয়েছে। বাইরে বের হতে চাইত না। এমন দৃষ্টান্তও আছে। সত্যযুগে গর্ভও মহল হয়ে যায়। সেখানে কোনো পাপ হয় না।

এখন তোমরা জানো যে, তোমরা কিভাবে পতিত হয়েছে। নামই আছে - অজামিলের মতো পতিত। অনেক পাপ করে। পবিত্র অর্থাৎ নির্বিকারী। মুখ্য বিষয়ই হলো বিকারের, তাই গাওয়া হয়, পতিত পাবন সীতারাম, রঘুপতি রাঘব রাজা রাম ----এখন রাজা রাম তো শিববাবাকে বলবে না। রাম পরমপিতা পরমাত্মাকেই বলা হয়। রাজা রাম নয়। আমি তো রাজা - মহারাজা হই না। শ্রী লক্ষ্মী মহারানী আর নারায়ণ মহারাজা তোমরা হও, আমি নই। আমি তো নিরাকার, পুনর্জন্ম রহিত। যারা শরীরধারী, তারা সবাই পুনর্জন্ম নিতে থাকে। বাবা বলেন যে, আমি হলাম নিরাকার। আমাকেও এই প্রকৃতির আধার নিতে হয়। আমি গর্ভে প্রবেশ করি না, আমি এনার মধ্যে প্রবেশ করি। ইনি নিজের জন্মকে জানেন না।

বাবা বসে বোঝান যে, তোমরাই সেই দেবী - দেবতা ছিলে, তারপর শূদ্র হয়েছে, এখন তোমরাই আবার ব্রাহ্মণ হয়েছে। আমি এই কথা তোমাদের বোঝাই। তোমরা তোমাদের জন্মকে জানো না। যারা ব্রাহ্মণ হবে, তারাই এসে বুঝতে পারবে। বাবা বলেন যে, এইভাবে তোমরা ৮৪ জন্ম সম্পূর্ণ করেছে। বলা হয় ২১ কুলের অবিনাশী বর্ষা। বেহদের বাবা তো বেহদের সুখের বর্ষাই দেবেন, তাই না। লৌকিক বাবার থেকে তো অল্পকালের সুখ পাওয়া যায়। অমরলোকে আদি, মধ্য এবং অন্ত হলো সুখ। এখানে আদি - মধ্য এবং অন্ত দুঃখ। তোমাদের, পার্বতীদের অমরনাথ শিববাবা অমরকথা শোনান। সত্য নারায়ণের কথাও তিনিই শোনান। এ হলো জ্ঞানের তৃতীয় নয়ন দানের কথা। ভারতবাসী সদা সুখী ছিলো, অনেক পবিত্র ছিলো। পবিত্রতা, সুখ, শান্তি ছিলো। সেখানে কেউই কখনো রোগগ্রস্ত হতো না। নামই হলো স্বর্গ। ভারত ছিলো প্রাচীন স্বর্গ, সেখানে আর কোনো ধর্ম খণ্ড আদি ছিলো না। ঝাড়ের কান্ড তো থাকবেই। এই কাণ্ডে কারা থাকে? বরাবর দেবী - দেবতাদের চিত্র থাকে। সে হলো ফাউন্ডেশন। এখন তোমরা নিজেদের দেবী দেবতা ধর্মের বলতে পারবে না। এখন তাঁদের রাজধানী স্থাপন হচ্ছে। তোমরা সত্যযুগে রাধা - কৃষ্ণের মতো জোড়া হতে পারো। এসো আমি তোমাদের বোঝাচ্ছি - তোমরা সত্যি সত্যি স্বর্গের প্রিন্স কিভাবে হতে পারো। এই সময় তো সকলেই পতিত, তোমরা যে কোনো যুক্তিতে লিখতে পারো। বলা হয় - সব ধর্ম মিলে এক হয়ে যাক কিন্তু এ কিভাবে হতে পারে? এক ধর্ম তো সত্যযুগে ছিলো, সেখানে এক মত, এক ভাষা ছিলো। সেখানে তালি বা ঝগড়া হতো না। সেখানে তোমরা বিশ্বের মালিক ছিলে, অন্য কোনো ধর্ম ছিলো না সেখানে। তা কিভাবে হয়েছিলো, তারপর অন্য ধর্ম কিভাবে এলো - এ কেউই বুদ্ধি দিয়ে চিন্তা করে না। যখন সম্পূর্ণ পতিত হয়ে যায়, তখনই পতিত পাবন বাবা আসেন, আর অন্য ধর্মের পবিত্র আত্মারাও ওপর থেকে আসেন। প্রথমে ধর্মস্থাপক নিজে আসেন, তারপর তাঁর পিছনে অন্যদেরও ডাকেন যে, এসো। তাঁদের তো সত্যো, রজো এবং তমোতে আসতে হবে। যারাই এখানে আসে, সবাইকেই সত্যো, রজো তারপর তমো হতেই হবে। তোমরা কিন্তু এখন পতিত থেকে পবিত্র হচ্ছে। সবাই তাঁকে ডাকে - গড ফাদার এসো, এসে আমাদের স্বর্গে নিয়ে যাও। এই স্বর্গ কেউ মুক্তিকে

কেউ আবার জীবনমুক্তিকে মনে করে । তোমরা জানো যে স্বর্গ জীবনমুক্তিকে বলা হয় । তোমরা এখন চারাগাছ লাগাচ্ছে । ওরা আবার কাঁটার জঙ্গলের চারাগাছ লাগাচ্ছে । এ রাত দিনের তফাত । ওদেরও ওই উৎসব পালন করা হয় । বনোৎসব, ঝাড় লাগানোর উৎসব পালন করা হয় । তোমরা দৈবী ধর্ম স্থাপনের অর্থাৎ ভারতকে স্বর্গ বানানোর উৎসব রোজ পালন করি । তোমরা রোজ মানুষকে দেবতা বানানোর জন্য পুরুষার্থ করো । কাঁটা থেকে ফুলে পরিণত করা -- এ তোমাদের রোজের উৎসব । বাগানের মালী অবশ্যই তোমাদের এর পুরস্কার দেবে ।

বাচ্চারা এই গান শুনেছে - হে প্রাণী, নিজের মন দর্পণে দেখো - তোমরা স্বর্গের দেবী - দেবতা হওয়ার অথবা লক্ষ্মীকে বরণের যোগ্য হয়েছে কি ? তোমাদের কোনো অপগুণ তো নেই ? যদিও তুফান খুবই আসবে । মায়া কাউকেই ছাড়ে না । বড় বড় দীপকেও মায়া নিভিয়ে দেয় । উল্টাপাল্টা সঙ্কল্প তো খুব আঘাত করবে । তোমাদের দূঢ় থাকতে হবে । এখানে ঝিমিয়ে পড়ার কোনো কথাই নেই । বাবার সঙ্গে যোগ ছেড়ে দিও না । সবার কান্ডারী ওই এক বাবা । এ হলো বিষয় বৈতরণীর অনেক বড় খাল । এ তোমরা যোগবলের দ্বারা পার করো । বিষয় সাগর থেকে পার হয়ে তোমরা ক্ষীর সাগরে চলে যাবে । বিষ্ণুর রাজ্য হলো ক্ষীর সাগরে, যেখানে ঘিয়ের নদী বয়ে যায় । এখানে তো কেরোসিন আর রক্তের নদী বইতে থাকে ।

বাচ্চারা, তোমরা জানো যে, আমরা শিববাবার শ্রীমতে শিবালয়ে যাচ্ছি, যেখানে আমরা সর্বদা সুখী থাকবো । তোমরা সদা সুখী ছিলে, মায়া তোমাদের দুঃখী বানিয়েছে । গৃহস্থ জীবনকে অধর্ম বানিয়ে দিয়েছে । ওখানে গৃহস্থ জীবনে থাকে ধর্ম । বাবা এখন তোমাদের শ্রেষ্ঠাচারী দৈবী গৃহস্থ ধর্মের বানাচ্ছেন । প্রথমে মুখ্য হলো বাবার পরিচয় । তোমরা বাবার হলে স্বর্গের মালিক হতে পারো । এ তো দুঃখধাম । তোমরা ভায়া মুক্তিধাম স্বর্গে যাও তাই শিবপুরী, বিষ্ণুপুরীকে স্মরণ করো । এই স্মরণ করতে করতে অন্ত মতি সেই গতি হয়ে যাবে । এই কথা স্মরণে রেখো - তোমাদের ৮৪ জন্ম সম্পূর্ণ হয়েছে । এরপর আমরা আগামী দিনে এসে রাজ্য করবো, মন দর্পণে নিজের মুখ দেখতে থাকো, আমাদের মধ্যে কোনো অপগুণ তো নেই ? আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত ।  
রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১ ) যোগবলের দ্বারা বিষয় বৈতরণীর বড় খাল পার হতে হবে । উল্টো সঙ্কল্পে দ্বিধাগ্রস্ত হয়ে যেও না । তোমাদের দূঢ় থাকতে হবে ।

২ ) পূজনীয় হওয়ার জন্য বাবার সাথে ভারতকে মুকুটধারী বানানোর সেবা করতে হবে ।

বরদান :-- সম্পর্কে আসা আত্মাদের সদা সুখের অনুভূতি করিয়ে মাস্টার সুখদাতা ভব

তোমরা সুখদাতার সন্তান মাস্টার সুখদাতা তাই সুখের খাতা জমা করতে থাকো । শুধুমাত্র এই চেকই করো না যে, আজ সারাদিনে কাউকে দুঃখ দিই নি তো ? এও চেক করো যে সুখ কতটা দিয়েছি ?

যেই সম্পর্কে আসুক না কেন, তোমাদের মাস্টার সুখদাতার দ্বারা প্রতি পদে যেন সুখের অনুভূতি করে, একেই বলা হয় দিব্যতা বা অলৌকিকতা । প্রতি সময় এই কথা যেন স্মৃতিতে থাকে যে, এই এক জন্মে ২১ জন্মের খাতা জমা করতে হবে ।

স্লোগান :-- এক বাবাকেই নিজের সংসার বানিয়ে নাও , তাহলেই অবিনাশী প্রাপ্তি হতে থাকবে ।